



册府元龟
卷之三百九十
至九十二



13
849
96



門 4 3
浦 849
卷 96



冊府元龜

淮南李嗣京參閱

西極文翔鳳訂正

豫章黃國琦較釋

宗室部

三十六

謹讓

立功

謹讓

傳曰門內之治恩掩義門外之治義斷恩蓋先王之
道不以私害公也周漢而降宗枝茂盛封建既廣性

習不同乃有背既睦之教蓄不臧之性忽麟趾之義
忘盤石之訓恣其盈佚弗率典訓以至奉藩無狀事
親不謹驪愛近習銜惑邪說或專用非辟或潛懷異
圖雖復舉八議之典蒙三宥之惠煩尺一之詔屈廷
尉之請猶或長惡不悛罔顧顛覆以致遷削土宇陷
於不義悲夫

漢淮南厲王長文帝之弟文帝時薄太后及太子諸
大臣皆憚厲王厲王以此歸國益恣不用漢法出入

警蹕稱制自作法令數上書不遜順數音所文帝重

自切責之重數時帝舅薄昭為將軍尊重帝令昭予厲

上書諫數之曰數音所竊聞大王剛直而勇慈惠而

厚貞信多斷是天以聖人之資奉大王也甚盛不可

不察今大王所行不稱天資皇帝初即位易侯邑在

淮南者侯邑在淮南者更易以他郡大王不肯皇帝

卒易之卒終使大王得三縣之實甚厚大王以未嘗

與皇帝相見求入朝見未畢昆弟之歡畢盡而殺列

侯以自為各皇帝不使吏與其間與讀曰豫謂不赦

大王甚厚法二千石缺輒言漢補大王逐漢所置而

請自置相二千石皇帝詘天下正法而許大王甚厚

不從正法聽王自置二千石詘謂曲也大王欲屬國為布衣守冢

真定屬謂委棄之也音之欲反皇帝不許使大王毋失南面之尊

甚厚毋失不失也南面之尊謂王位也大王宜日夜奉法度修貢職

以稱皇帝之厚德今迺輕言恣行以負謗於天下甚

非計也夫大王以千里為宅居以萬民為臣妾此高

皇帝之厚德也高帝蒙霜露沐風雨沐亦頰字也蒙

音胡內反字赴矢石野戰攻城身被瘡痍瘡音以為

子孫成萬世之業艱難危苦甚矣大王不思先帝之

艱苦日夜休惕脩身正行養犧牲豐潔粢盛奉祭祀

以無忘先帝之功德而欲屬國為布衣甚過且夫會

讓國土之名輕廢先帝之業不可以言孝父為之基

而不能守不賢不求守長陵而求之真定先母後父

不謹數逆天子之令不順言節行以高兄無禮謂請

冢自為名節而表異行用此矜高於兄也幸臣有罪大者立斷小者肉刑

不仁斷謂貴布衣一劍之任賤王侯之位不知不學

問大道觸情妄行不祥任情意所欲則行之此八者

危亡之路也而大王行之棄南面之位奮諸賁之勇

吳專諸衛孟嘗出入危亡之路臣之所見高皇帝之

神必不廟食於大王之手明矣昔者周公誅管叔放

蔡叔以安周齊桓殺其弟以及國了亂兄也言秦始

皇殺兩弟遷其母以安秦始皇母與嫪毐私通生二

其母於咸 項王代高帝奪之國以便事 項王高帝 兄仲也何

效入代不能守走歸京師高帝奪其國 濟北舉兵皇

帝誅之以安漢 濟北王興居與大臣共誅諸 呂自以功大怨其賞薄故反 故周齊

行之於古秦漢用之於今大王不察古今之所以安

國便事而欲以親戚之意望於大上不可得也 大上 天子

也 亡之諸侯游宦事人及舍匿者論皆有法 舍匿謂 容止而

藏隱 其在王所吏王者坐 言各有所主 而坐其罪 今諸侯子為

吏者御史主 王御史也自此以下至 縣令主皆謂王官屬 為軍吏者中尉

主客出入殿門者衛尉大行主諸從蠻夷來歸誼及

以亡名數自占者內史縣令主相欲委下吏無與其

禍不可得也 言諸侯王之相欲委罪於在下小吏 而身不干豫之不可得也與讀曰豫 王

若不改漢繫大王郎論相以下為之奈何夫墮父大

業退為布衣所哀 墮毀也布衣貧賤之人王託伏法 則貧賤之人反哀憐之墮音火規

切 幸臣皆伏法而誅為天下笑以羞先帝之德 羞辱 也

甚為大王不取也宜急改操易行上書謝罪曰臣不

幸早失先帝少孤呂氏之世未嘗忘死 嘗恐 畏死 陛下即

位臣怙恩德驕盈行多不軌 軌法 也 追念曩過恐懼伏

地待誅不敢起皇帝聞之必喜大王長弟歡欣於上

羣臣皆得延壽於下上下得宜海內嘗安願熟計而

疾行之行之有疑猶如發矢不可追已王得書不說

立功

順陽懷侯嘉光武族兄義兵起嘉隨更始征伐為偏將軍及攻破宛封興德侯遷大將軍擊延岑於冠軍降之更始都長安封漢中

安成侯賜光武族兄自伯升起兵賜乃隨從攻擊諸

縣更始既立以賜為光祿勳及伯升被害代為大司

徒加丞相更始都長安封賜為宛王拜前大司馬使

持節鎮撫關東建武初聞光武即位乃詣雒陽

成武侯順光武族兄建武八年使擊破六安賊因拜

為六安太守

陳王寵明帝子陳敬王之孫中平中黃巾賊起郡縣

皆棄城走寵善弩射十發十中中中皆同處寵射其秘法以天覆

地載參連為奇又有三微三小三微為經三小為緯經緯相將萬勝之方然要在機牙寵有彊

弩數千張出軍都亭置軍營於國之都亭國人素聞王善射不

敢反叛故陳獨得完百姓歸之者衆十餘萬人

魏任城王彰太祖子漢末封鄆陵侯建安二十三年

代郡烏丸反以彰為北中郎將行驍騎將軍討之彰

北征入涿郡界叛胡數千騎卒至時兵馬未集唯有

步卒千人騎數百匹用田豫計固守要隙虜乃退散

彰追之身自搏戰射胡騎應弦而倒者前後相屬戰

過半日彰鎧中數箭意氣益厲乘勝逐北至桑乾去代二百餘里長史諸將皆以爲新涉遠士馬疲頓又受節度不得過代不可深進違令輕敵彰日率師而行唯利所在何節度乎胡走未遠追之必破從令縱敵非良將也遂上馬令軍中後出者斬一日一夜與虜相及擊大破之斬首獲生以千數彰乃倍嘗科大賜將士將士無不悅喜時鮮卑大人軻比能將數萬騎觀望疆弱見彰力戰所向皆破乃請服北方悉不陳侯仁太祖從弟從太祖爲別部司馬行厲鋒較尉太祖之破袁術仁所斬獲頗多從征徐州仁嘗督騎

爲軍前鋒別攻陶謙將呂繇破之還與大軍合彭城大破謙軍從攻費華卽墨開陽謙遣別將救諸縣仁以騎擊破之太祖征呂布仁別攻句陽拔之生獲布將劉何太祖平黃巾迎天子都許仁數有功拜廣陽太守後太祖征張繡仁別徇旁縣率厲將士甚合太祖壯之遂破繡太祖與袁紹久相持於官渡紹遣先王狗諸縣太祖使仁將騎擊先王破走之盡復收諸叛縣而還紹遣別將韓荀鈔斷西道仁擊荀於雞維山大破之太祖討馬超以仁行安西將軍督諸將拒潼關破超渭南蘇伯田銀反以仁行驍騎將軍都督

七軍討銀等破之復以仁行征南將軍假節屯樊鎮
荊州侯音以宛叛畧傍縣衆數千人仁率諸軍攻破
音斬其首

高陵侯純初以議郎參司空軍事督虎豹騎從太祖
圍南丘純麾下騎斬袁譚及北征二郡純部騎獲單
于踰頓從征荊州追先主於長坂獲其二女輜重收
其散卒進降江陵

樂城侯洪太祖從弟太祖征徐州張邈舉兗州叛迎
呂布時大饑荒洪將兵在前先據東平范聚糧穀以
繼軍太祖討邈布於濮陽布破走遂據東阿轉擊濟

陰山陽中牟陽武京密十餘縣皆拔之以前後功拜
鷹揚較尉遷揚武中郎將別征劉表別將於舞陰葉
堵陽博望有功遷厲鋒將軍

長平侯休太祖族子漢末從曹洪擊蜀將吳蘭於下
辯大破之文帝初以休爲鎮南將軍都督諸軍事孫
權遣將屯歷陽休到擊破之又別遣兵渡江燒賊蕪
湖營千家遷征東將軍領揚州刺史帝征孫權休爲
征東大將軍假黃鉞督張遼等及諸州郡二十餘軍
擊權大將呂範等於洞浦破之拜揚州牧明帝時吳
將審惠屯皖休擊破之斬惠首吳將韓綜翟丹等前

後率衆詣休隆遷大司馬都督揚州如故
邵陵侯真太祖族子漢末太祖使將虎豹騎討靈立
賊拔之又以偏將軍擊蜀將於下辯破之又爲征蜀
護軍督徐晃等破蜀將軍詳於陽平文帝卽位以真
爲鎮西將軍假節都督雍梁諸軍事張進等反於灊
泉真遣費耀討破之斬進等黃初三年爲上軍大將
軍假節與夏侯尚等征吳擊牛渚屯破之明帝卽位
遷大將軍蜀將諸葛亮圍祁山南安天水安定三郡
應亮帝遣真督諸軍軍鄠遣張郃擊亮將馬謖破之
安定民揚條等畧吏民保月氏城真進擊之條謂其

衆曰大將軍自來吾願早降耳遂自縛出三郡皆平
吳奮威將軍瑜堅弟靜之子漢建安九年爲丹陽太
守與周瑜等共討麻保二屯破之後屯溧陽徙屯牛
渚瑜以永安人饒助爲襄安長無錫人顏連爲居巢
長使招納廬江二郡各得降附瑜弟皎漢建安中爲
護軍較尉領衆二千餘人是時曹公數出濡須皎每
赴拒號爲精銳後與呂蒙襲南郡皎爲後繼禽闔羽
定荊州皎有力焉

皎弟沙羨侯奐建安末代皎統其衆領江夏太守黃
武五年大帝攻石陽奐以地主使所部將軍鮮于丹

帥五千人先繼淮道自帥吳碩孫梁五千人爲軍前鋒降高城得三將拜揚威將軍

輔堅之兄子以揚武較尉佐長沙桓王策平二郡策討丹陽七縣使輔西屯歷陽以拒袁術并招誘餘民鳩合遺散又從策討陵陽生得祖郎策西襲廬江太守劉勳輔隨從身先士卒有功策以輔爲廬陵太守桓堅族子河之子年二十五拜安東中郎將與陸遜共拒先王先王軍衆甚盛彌山盈谷桓投刀奮命與遜戮力先王敗走桓斬上兜道截其徑要先王踰山越險僅乃得免先王恚歎曰吾昔初至京城桓尚小

兒而今迫孤乃至此桓以功拜建武將軍封丹徒侯晉琅邪王仙泰始中爲鎮東大將軍平吳之役率衆數萬出涂中孫皓奉箋送璽綬詣仙請降詔曰琅邪王仙督率所統連據涂中使賊不得相救又使琅邪相劉弘等進軍逼江賊震懼遣使奉僞璽綬又使長史王嘗率諸軍渡江破賊邊守獲督蔡機斬首降附五六萬計諸葛靚孫奕等皆歸命請死功勳茂著其封子二人爲亭侯各三千戶賜絹六十疋汝陰王駿爲鎮西將軍都督雍涼等州咸寧初羗虜樹機能等叛駿遣衆討之斬三千餘級進位征西大

將軍又詔駿遣七千人伐涼州守兵樹機能侯彈勃等欲先劫他兵駿命平虜護軍文倣督涼秦雍諸軍各進屯以威之機能乃遣所領二十部及彈勃面縛軍門各遣人質子安北地金城諸胡吉軻羅侯金多及北虜熱罔等二萬口又來降

淮陵王漼初封廣陵公爲散騎嘗侍趙王倫之篡也三王起義漼與左衛將軍王興攻殺孫秀因而廢倫以功進封爲王

東海王越懷帝永嘉三年九月丙寅劉聰圍後義遣平北將軍曹武討之丁丑王師敗績越入保京城聰

至西明門越禦之戰於宣陽門外大破之

南頓王宗初封南頓公討劉喬有功進封王增邑五千并前萬戶

譙王尚之初爲會稽王道子驃騎諮議與弟兄之並居列職兗州刺史王恭忌其盛也與豫州刺史庾楷並稱兵以討尚之爲名南運荊州刺史殷仲堪南郡公桓玄等道子命前將軍王珣右將軍謝琰討恭尚之距楷兄之與楷子鴻戰於當利鴻走斬楷將段方楷單馬奔桓玄道子以尚之爲建威將軍豫州刺史假節一依楷故事

宋良沙景王道憐晉末爲建威將軍南彭城內史時北青州刺史劉該反引魏人爲援清河陽平二郡太守孫全聚衆應之義熙元年後魏遣豫州刺史索度真大將軍斛蘭寇徐州攻相縣執鉅鹿太守賀聿進圍寧朔將軍羊穆之於彭城穆之告急道憐率衆救之軍次陵柵斬全進至彭城真蘭退走道憐率龍驤將軍孔隆及穆之等追真蘭走奔相城又追躡至光水溝斬劉該魏衆見殺乃赴水死畧盡以破索度真功封新涂縣男食邑五百戶從高祖征廣固嘗爲軍鋒及城陷慕容超將親兵突圍走道憐所部獲之以

廣固功改封竟陵縣公食邑千戶

臨川武烈王道規高祖少弟少儻有大志高祖奇之與謀桓玄時桓弘鎮廣陵以爲征虜中兵參軍高祖尅京城道規以其日與劉毅孟昶共斬弘收衆濟江進平京邑玄敗走晉大將軍武陵王遵奉制以道規爲振武將軍義昌太守與劉毅何無忌追桓玄遇玄於崢嶸洲大敗玄軍玄與郭鈴單舸走江陵不復能守欲入蜀爲馮遷所斬義軍遇風不進桓謙桓振復據江陵毅留巴陵道規與無忌俱進攻桓諮於馮頭桓蔚於寵州皆破之復進軍夏口爲鎮軍將軍馮

該戍夏口東岸揚武將軍孟山圖據魯城輔國將軍桓仙客守偃月壘於是毅攻魯城道規無忌攻偃月並克之生禽仙客山圖其夕該遁走進平巴陵道規留夏口進號輔國將軍督淮北諸軍事并州刺史義昌太守如時荊州湘江豫猶多桓氏餘燼往往屯結復以本官進督江州之武昌荊州之江夏隨郡義陽綏安豫州之西陽汝南潁川新蔡九郡諸軍事隨宜剪撲皆悉平之

竟陵王誕爲揚州刺史孝武帝孝建初南郡王義宣舉兵反有荊州江交豫四州之力勢震天下孝武卽位日淺朝野大懼帝加誕節仗士五千人出入六門上流平定之力也

始安王休仁明帝卽位爲揚州刺史會諸方逆命休仁都督征討諸軍事增班劍三十人出橡虎檻進據赭圻尋領太子太傅總統諸軍隨宜應接泰始二年拜司徒休仁率衆軍大破賊斬僞尚書僕射袁凱進討江郢荆雍湘五州平定之

巴陵王休若泰始二年爲鎮軍將軍時方反叛休若進號衛將軍雍州刺史率諸軍破賊於吳興會稽平定三郡同迹皆伏誅三年薛安都子伯令畧據雍州

四郡休若討斬之

晉熙王燮廢帝元徽二年爲征虜將軍郢州刺史時
江州刺史桂陽王休範反燮遣中兵參軍馮景祖襲
尋陽休範中兵參軍毛惠等居守關門降燮進號安
西將軍督江州諸軍事

南齊豫章文獻王嶷宋建元元年爲都督揚州南徐
二州諸軍事驃騎大將軍二年春魏軍寇司豫州嶷
表遣南蠻司馬崔慧景北討又分遣中兵參軍蕭惠
朗援司州屯西關虜軍濟淮攻壽春分騎當出隋鄧
衆以爲憂嶷曰虜入春夏非動衆時令豫司強守過

其津要彼見堅嚴自當潰散必不敢越二鎮而南也
是時纂嚴嶷以荊州隣接蠻蜚慮其生心令鎮內皆
綬服旣而魏軍竟不出樊鄧於壽春敗走尋給班劍
二十人

梁長沙王懿齊永明季授持節都督梁南北秦沙四
州諸軍事加冠軍將軍是歲魏人入漢中遂圍南鄭
懿隨機拒擊傷殺甚多乃解圍遁去懿又遣互帥楊
元秀攻魏歷城罽蘭駱大仇池等六戍尅之魏人震
懼邊境遂寧永元元年裴叔業據豫州反授持節征
虜將軍督豫州諸軍事討叔業叔業懼降於魏旣而

平西將軍崔慧景入寇京邑奉江夏王寶玄圍臺城
齊室大亂詔徵懿懿時方食投箸而起率銳卒三千
人援城慧景遣其子覺來拒懿奔擊大破之覺單騎
走乘勝而進慧景衆潰追斬之遷尚書令都督征討
水陸諸軍事持節將軍如故

懿子西昌侯藻天監元年爲持節都督益寧二州諸
軍事冠軍將軍益州刺史時天下草創邊徼未安州
民焦僧護聚數萬據郫樊作亂藻年未弱冠集僚佐
議欲自擊之或陳不可藻大怒斬于階下乃乘平肩
輿巡行賊壘賊聚弓亂射天下如雨從者舉楯禦箭

又命除之繇是人心大安賊乃夜遁藻命騎追之斬
首數千級遂平之

始興忠武王憺齊末爲給事黃門侍郎巴東太守蕭
慧訓子瓚及巴西太守魯休烈舉兵逼荊州屯軍上
明鎮軍蕭穎胄暴疾卒西朝甚懼尚書僕射夏侯詳
議徵兵雍州南平王偉遣憺赴之憺以書喻瓚等旬
日皆請降

吳平侯景爲寧蠻較尉雍州刺史元志率衆七萬寇
潺溝驅迫羣蠻蠻悉渡水來降因命司馬朱思遠寧
蠻長史曹義宗中兵參軍孟惠雋擊志於潺溝大破

之生禽志長史村景斬首萬餘級流屍蓋漢水

南郡王大運太清元年為使持節輕車將軍東揚州

刺史三年會稽山賊川領郡聚黨數萬來攻大運命

中兵參軍張彪擊斬之

陳遂與侯詳高祖疎屬也高祖東征杜龕詳別下安

吉原鄉故彰三縣龕平以功授散騎侍郎假節雄信

將軍青州刺史

後魏上谷公紇羅初從道武自獨孤如賀蘭部與弟

建勸賀蘭納推道武為王及道武即帝位以援立功

與建同日賜爵為公武陵侯因從道武平中原以功

封曲逆侯太武時改封

曲陽侯素延以小統從道武征討諸部初定并州為

刺史道武之驚於柏肆也

道武征慕容寶軍于鉅鹿之柏肆搗其夜寶悉眾犯

營帝驚而起

并州守將封寶真為逆素延斬之

吉陽男比干以司衛監討白澗丁零有功

平陽王真樂高涼王孤平文孫也頗有戰功

樂城侯謂烈帝子與其子烏真俱隨道武征討屢有

戰功

新興公丕子雋邕並有軍功雋封新安縣男邕封涇

縣男

秦明王翰昭成子年十五便請征伐昭成壯之使領騎二千長統兵號令嚴信多有尅獲

翰子衛王儀登國初破諸部有謀戰功皇始二年十月遣儀將三萬騎攻慕容德於鄴大興元年正月慕容德走保滑臺儀克鄴收其倉庫詔賞將士各有差嘗山王遵道武初爲慕容寶所敗別率騎七萬邀其歸路繇是有參合之捷及平中山拜尚書左僕射加侍中領渤海之合口及博陵渤海羣盜起遵討平之陳留王虔登國初與衛王儀破黠弗部後衛長慕容寶來寇虔絕其左翼寶敗

虔弟崇爲并州刺史從道武討蠕蠕別督諸軍出大澤越涿耶山威懾漠北

永昌王健所在征戰嘗有大功從太武破赫連昌遂西畧至木根上討和龍健別攻拔建德後平叛胡白龍餘黨於西海帝襲蠕蠕越涿耶山詔健殿後矢不虛發所中皆應弦而斃威震漠北又從征平原州健功居多又討破禿髮保周自殺傳首京師

淮南王佗太武之討胡白龍於西河屠其城佗別破餘黨斬首數千後與武昌王提率并州諸軍討吐京叛胡曹僕渾於河西平之拜使持節前鋒大將軍督

諸軍北討蠕蠕破之後劉義隆遣將寇邊佗從征於懸瓠破之拜使持節都督雍秦二州諸軍事鎮西大將軍

武昌王提太武時爲使持節鎮東大將軍平原鎮都大將軍

提子平原襲封爵獻文時蠕蠕犯塞從駕擊之平原戰功居多爲鎮南大將軍齊州刺史孝文時妖賊司馬小君自稱晉後聚黨三千餘人屯聚平陵年號聖君攻破郡縣殺長史平原身自討擊殺七人擒小君送京師斬之又有妖人劉舉自稱天子扇惑百姓復

討斬之

晉王伏羅爲車騎大將軍督高平涼州諸軍討吐谷渾慕利延吐谷渾慕利延軍至樂都遂間道行至大毋橋慕利延衆驚奔白蘭慕利延子拾寅走阿曲斬首五千餘級降其一萬餘落

河間公齊從太武征赫連昌帝馬蹶賊逼帝齊以身蔽得決死力戰賊乃退帝得上馬是日微齊帝幾至危殆帝以微服入其城齊固諫不許乃與數人從帝入城內旣覺諸門悉閉帝及齊等因入其宮中得婦人裙繫之槩上帝乘而上因此得拔於齊有力焉賜

爵浮陽侯從征和龍以功拜尚書進爵爲公後坐事
免官爵守將裴方明陷仇池太武復授齊前將軍與
建興公古弼討之遂尅仇池威振羌氏復賜爵河間
公與武都王楊保宗對鎮駱谷時保宗弟文德說閉
險自有期矣秦州王簿邊固知之密告齊晨詣保宗
呼曰古弼至欲宣詔保宗出齊叱左右扶保宗上馬
馳驛送臺氏遂推文德爲王求援於宋宋遣將房亮
之符詔啖龍等率衆助文德齊擊斬殺龍擒亮之氏
遂平以功拜內都大官

臨淮王譚太武南討爲中軍大將軍初宋文帝以鄒
山險固乃積糧爲守禦之備譚率衆攻之獲米三十
萬以供軍儲宋人恃淮之阻素不設備造筏數十潛
軍而濟賊衆驚潰斬其將故崇及賊首萬級

陽平王新成長子頤爲懷朔鎮大將都督三道諸軍
北討詔徵起京勗以戰伐之事對曰當仰仗廟筭使
呼韓同渭橋之禮帝曰壯哉王言朕所望也乃與陸
叡集諸將議軍途所詣於是中道出黑山東道趣士
盧河西道向侯延河軍過大磧大破蠕蠕頤入朝詔
曰王之前言果不虛也

濟陰王新成小子麗爲宗正右衛將軍時秦州屠各

王法智推州主簿呂荀兒爲主號建明元年置立百官攻逼州郡涇州人陳瞻亦聚衆自稱王號聖明元年以麗爲使持節都督與楊椿討之荀兒率衆十餘萬屯孤山別據諸險圍逼州城麗出擊大破之便進軍永雒賊徒遂戰麗夜擊走之行秦州事李韶乘勝追掩荀兒遂率其衆三千餘人降麗

上黨王長孫觀獻文時以征西大將軍假司空督河西七鎮諸軍討吐谷渾部師拾寅遁藏焚其所居城邑而還孝文初拜殿中尚書侍郎吐谷渾又侵逼復假觀司空討除之

任城王雲獻文時蠕蠕犯塞雲爲中大都督從獻文討之遇於大磧及仇池氏反雲爲征西將軍討平之雲子澄爲征北大將軍孝文時蠕蠕犯塞加澄使持節督北諸軍事以討之蠕蠕遁走後爲揚州刺史時梁將張囂寇夷陵戍澄遣輔國將軍成興步騎赴討大破之復本陵囂遁走又遣長風戍主奇道顯攻梁陰山戍破之斬其戍主龍驤將軍都亭侯梅興祖仍引攻白橐戍又破之斬其寧朔將軍闕內侯吳道爽澄表請南伐詔發二萬人馬千五百疋并壽陽先兵三萬委澄經畧乃遣統軍傅豎眼王神念等進次大

峴東開九山淮陵皆分部諸將倍據之總勒大眾駱驛相接而神念尅其開惡潁川二城斬梁軍主費尼而寧朔將軍韋惠龍驤將軍李伯繇乃固大峴澄遣統軍党法宗傅豎眼等進軍尅之遂圍白塔牽城數日之間便卽逃潰梁清溪戍望風散走梁徐州刺史司馬明素率衆三千欲援九山徐州長史潘伯憐規固淮陵寧朔將軍王燮負險焦城法宗且進焦城破淮陵擒明素斬伯憐其濟陰太守王厚強廬江太守裴遂卽亦奔退詔曰將軍文德內昭武功外暢奮揚大畧將蕩江吳長旌始舒賊徒懾氣熊旅方馳東關

席卷想江湖弭波在旦夕耳所送首虜並已聞之

澄子嵩宣武時爲安南將軍揚州刺史梁湘州刺史楊公則率衆二萬屯軍雒口姜慶真領軍五千據於首陂又遣其左軍將軍騫小眼軍主何天祚張後典等率衆七千攻圍陸城嵩遣統軍封邁王會等步騎八千討之邁達陸城賊皆夜遁追擊破之斬獲數千公則慶真退還馬頭梁徐州刺史昌義之屯據高皇遣三軍潛寇陰陵以水淺竭不通船艦屯於馬頭梁將田道龍何景先等領卒三千已至衡山規寇陸城並克逼嵩遣兼統軍李叔仁等援合肥小硯楊石頻

戰破之梁虜將軍趙草頓於黃口嵩遣軍司趙熾等
往討之先遣統軍安伯醜潛師夜渡伏兵下蔡草率
卒四千逆來拒戰伯醜與下蔡戍主虎等前後夾擊
大敗之俘斬溺死四千餘人統軍李叔仁等夜襲碓
石又破之梁將姜慶真專據肥內冠軍將軍曹天寶
屯於雞口軍主尹明世屯東碓石嵩遣別將羊弘次
于淮西去賊營十里司馬趙熾率一萬爲表裏聲衆
軍會分擊賊之四壘四壘之賊戰敗奔走斬獲數千
溺死萬數統軍牛徽寶攻破石明世宵遁慶真合餘
燼浮淮下下蔡戍主王畧截流擊之俘斬大半於是

威名大振

江陽王繼孝文時爲安北將軍留守雒京時高車酋
帥樹者擁部民反叛詔繼都督北討諸軍事繼推簡
斬讐首一人餘加慰諭於是叛徒歸順

北海王顥爲徐州刺史撫軍將軍免其後賊帥宿勤
明達叱于麒麟等寇亂幽華諸州乃復顥王爵以本
將軍使持節征西將軍都督華幽東秦諸軍事兼左
僕射西道行臺以討明達顥轉戰而前頻破賊衆解
幽華之圍以功增封八百戶進號征西將軍

彭城王勰從孝文征沔北爲使持節都督南征諸軍

事中軍大將軍開府時詔曰胡便交敵可勅將士肅爾軍儀總於時親勒大衆至明大破齊將崔慧景等車駕還京會百寮於宣極堂行飲至策勲之禮命舍人宣旨勳翼弼六師纂戎荆楚沔北之勲每毗廟算從討新野有尅城之謀受命鄧城致大捷之効功爲羣將之最也別當授賞不替厥庸以破慧景等勲增邑五百戶宣武時爲司徒領揚州刺史揚州所統建安戍主朝景畧猶爲寶卷拒守不下總水陸討之景畧面縛出降自總之至壽春東定城戍至於陽石西降建安山蠻順命斬首獲生數以萬計進位大司馬

領司徒增邑八百戶又寶卷遣將陳伯之屯於肥口胡松又據梁城水軍相繼二百餘里總部分將士分攻賊營伯之胡松率衆出戰諸將擊之斬首九千俘獲一萬伯之等僅以身免屯於烽火總又分命諸將頻戰伯之計窮宵遁淮南平詔曰王威尊上輔德勲莫二孤必昧識訓保彼憑此以壽春初開封疆任重故令王親董元戎遠撫淮外冒茲炎蒸衡蓋飄飄經畧踰時必有虧損淹違詔覲夙夜繫情制勝宣規威效兼著公私允稱義所欽嘉雖凱旋有期無申延屬可遣給事黃門侍郎鄭道昭就彼祇勞微勳還朝

中山王英孝文南伐英爲梁漢別道都將後大駕臨
鍾離詔英率衆備寇境上英以未暇西救漢中有可
乘之會表求進討孝文許之師次沮水齊將蕭懿遣
將尹紹祖梁季羣等領衆二萬之微山立柵分爲數
處居高視下隔水爲營英謀曰彼帥賤民慢莫能相
服若選精卒并攻一營彼不相救我尅必矣若尅一
軍四營自拔於是簡兵三面騰上果不相救旣破一
處四面俱潰生擒梁季羣斬三千餘級俘七百人齊
白馬戍將其夜逃潰乘勝長驅漢川之民相率歸附
宣武卽位詔英持節假鎮南將軍都督征義陽諸軍

事率衆南討梁武司州刺史蔡道恭聞英將至遣其
驍騎將軍楊繇率城外民三千餘家於城西南十里
賢首山卽嶺爲三柵作表裏之勢英勒諸軍圍賢首
山焚其柵門楊繇驅水牛從營而出繼之以兵軍人
避牛師遂退下尋分兵圍守其下柵民任馬駒斬繇
以降民皆安堵梁平西將軍曹景宗後將軍王僧炳
等率步騎三萬來救義陽僧炳統衆二萬據鑿峴景
宗率一萬繼後英遣冠軍元逞楊烈將軍曹文敬進
據樊城抗之英部勒將士犄角討之大破僧炳軍俘
斬四千餘人英又於士雅山結壘與景宗相抗分遣

諸統伏於四山示之以弱梁將馬仙琕率萬餘來掩英營英命諸軍僞北誘之既至平地統軍傅永等三軍擊之梁軍便奔退進擊潰之斬首二千三百級斬其羽林監軍鄧終年仙琕又率一萬人重來決戰英勸諸將隨便分擊又破之復斬梁將陳秀之統軍王買奴別破東嶺之陣斬首五百道恭憂死驍騎將軍行州事蔡靈恩後馮窮城短兵日接景山仙琕知城將拔盡銳決戰一日三交皆大敗而返靈恩勢窘遂降三關戍聞之亦棄城而走梁又遣將寇肥梁詔英使持節加散騎嘗侍征南將軍都督楊徐二道諸軍

事率衆十萬討之所在皆以便宜從事英擊破陰陵斬梁將二十五人及虜首五十餘級及頻破賊軍於梁城斬其支將四十二人殺獲及溺死者將五萬梁中軍大將軍臨川王蕭宏尚書右僕射柳恢等大將五人公淮南走凡收米三十萬石英追至馬頭梁馬頭戍主委城遁走郢州治中督榮祖潛引梁軍以義陽應之二關之戍並據城降梁郢州刺史婁悅嬰城自守懸瓠城民白早生等殺豫州刺史司馬悅據城南叛梁將徐苟仁率衆守懸瓠悅子尚華陽公主立并爲所劫又詔英使持節都督南征諸軍事假征南

將軍出自汝南宣武以荆蠻平破早生詔英南赴義陽英輒與荆蠻分兵攻懸瓠尅之乃引軍而進初荀仁之據懸瓠梁寧朔將軍張道凝等率衆據楚城聞英將至棄城南走英追擊斬道凝及梁虎賁中郎曹苦生盡俘其衆旣次義陽將取三關英策之曰三關相須如左右手若尅一關兩關不待攻而定攻難不如攻易東關易攻宜須先取卽黃石公所謂戰如風發如河決英恐其并力於東乃使長史李華率五統向西關分其兵勢身督諸軍向東關英至長薄梁將馬廣夜遁入於武陽英進師攻之梁遣其冠軍將軍

彭瓮驃騎將軍徐起接武陽英乃緩軍日縱之使人此城吾先曾觀其形勢易攻耳吾取之如拾遺也諸軍未之信瓮等旣入武陽英促圍攻之六日而廣等降於是進擊黃峴梁太子左衛李元履棄城奔竄又討西關梁司州刺史馬仙琕亦卽退走果如英策凡擒獲其大將二十人卒七千米四十萬石軍資稱之安定王休爲外都大官時驪驪犯塞出爲使持節征北大將軍撫冥鎮大將休身先將士擊虜退之高陽王雍孫端爲鎮東將軍兖州刺史時梁將復寇徐兗圍逼州城端率文武拒守以功封安德縣開國

公食邑五百戶

章武王融宣帝時為驍騎將軍梁將寇逼淮陽梁城陷沒詔融假節征虜將軍別將南討大摧賊眾還梁城

安豐王猛子延明孝明時為尚書右僕射及元法僧反詔為東道行臺徐州大都督節度諸軍事與都督臨淮王彧尚書李憲等討法僧梁遣其豫章王綜鎮徐州延明先收徐方甚得人譽招懷舊土遠近歸之綜既降延明因以軍乘之復東南之境至宿豫而還

册府元龜

册府元龜

淮南李嗣京參閱

西極文翔鳳訂正

豫章黃國琦較釋

宗室部

立功第二

北齊清河王岳中興初為武衛將軍高祖與四明戰于韓陵高祖將中軍高昂將左軍岳將右軍中軍敗績賊乘之岳舉麾大呼橫衝賊陣高祖方得迴師表裏奮擊因大破賊武定元年為晉州刺史侯景叛文

册府元龜

宗室部

卷之三百九十一

襄徵岳共圖取景之計而梁乘間遣其貞陽侯明率衆於寒山擁泗水灌彭城與景爲犄角聲援岳搃率諸軍南討與行臺慕容紹宗等擊明大破之臨陣擒明及其大將胡貴孫自餘俘馘數萬景乃擁衆於渦陽與右衛將軍劉豐等相持兵還軍追討又破之景單騎逃竄又爲使持節河南摠管大都督統慕容紹宗劉豐等討王思政於長社思政嬰城自守岳等引洧水灌城紹宗劉豐爲思政所獲關西出兵援思政岳內外防禦甚有課等城不沒者三板會文襄親至城乃下獲思政等以功別封真定男任城王潛爲清

州刺史崔蔚波等夜襲州城潛部分倉卒之際咸得齊整擊賊大破之

蘭陵武王長恭爲并州刺史突厥入晉陽長恭盡力擊之芒山之敗長恭爲中軍率五百騎再入周軍遂至金墉之下被圍甚急城上人弗識長恭免胄示之面乃下弩手救之於是大捷武士共謠之又爲段韶討百谷又攻定陽前後以戰功別封鉅鹿長樂樂平高陽等郡公

安德王延宗後主世爲太尉及平陽之後後主自禦之命延宗率右軍先戰城下擒周開府宗挺及大戰

冊府元龜 卷之三百九十一
延宗以麾下再入周師莫不披靡諸軍敗延宗軍獨
全

後周章武公遵太祖入闕嘗從征伐太祖討侯莫陳
悅以遵爲都督鎮原州及悅走故寒遵追斬之傳首
京師魏文帝之東伐皆遵爲華州刺史及趙青雀于
伏德慕容思慶等作亂遵自華州率兵暫之擒伏德
斬思慶進屯渭橋會太祖事平進爵章武公

晉蕩公護初從太祖擒竇泰復弘農破沙苑戰河橋
並有功爲鎮東將軍後與于謹征江陵爲前鋒收城
鎮擒侯騎斷江津收舟艦以待大軍之至圍而尅之

襄陽蠻師向天保等萬有餘落恃險作梗及師還護
率軍討平之

宇文貴爲大將軍時羨酋傍乞鐵忿因梁企定之反
據有渠株川與渭州人鄭五醜扇惑諸羌同反太祖
令貴討平之斬鐵忿五醜於渠株川置岷州朝廷羨
其功遂於粟坂立碑以紀其績

齊殤王憲保定中爲雍州牧及晉公護東伐尉遲迥
爲前鋒圍洛陽憲與達奚武王雄等軍於邛山自餘
諸軍各分守險齊軍數萬奄出軍後諸軍恠駭並各
退散唯憲與雄等率衆拒之雄爲齊人所敗三軍震

懼憲親自督勵衆心乃安天和四年齊將斛律明月率衆四萬築壘洛南五年憲涉洛邀之明月遁走憲追之及于安業屢戰而反是歲明月又率大衆於汾北築城西至龍門六年憲率衆六萬出自龍門齊將新蔡王王康德以憲兵至潛軍宵遁憲乃西歸仍掘移汾水南堡壁復入於齊人謂咎不及遠遂弛邊備憲乃渡河攻其伏龍等四城二日盡收又進攻張壁克之獲其軍寔夷其城壘斛律明月時在華谷不能救之乃北攻姚襄城陷之時汾州又見圍日久糧援路絕憲遣柱國宇文盛運粟以饋之憲自入兩乳谷

襲克齊柏社城進軍姚襄齊人嬰城固守憲使柱國譚公會築石殿城以爲汾州之援齊平原王段孝先蘭陵王高長恭引兵大至憲命將士陣而待之將軍韓歡爲齊人所乘遂以奔退憲身自督戰齊衆乃退會日暮乃各收軍高祖東征憲衆爲前君趣黎陽高祖親圍河陰未克憲攻拔武濟軍圍洛口拔其東西二城高祖疾乃班師五年大軍又東伐憲以精騎二萬復爲前鋒守雀鼠谷高祖圍晉州進兵尅洪洞永安二城及師還憲爲後拒齊主自率衆來追至於高梁橋憲以精騎二千阻水爲陣與開府宇文忻各統

精卒百騎爲殿以拒之斬其騎將賀蘭豹子山褥懷
苛百餘人齊人乃渡汾而西及高祖於土壁高祖又
令憲率兵六萬還援晉州齊主攻圍晉州晝夜不息
間諜還者或云已陷憲乃遣柱國越王盛大將軍尉
遲迥開府宇文神舉等輕騎一萬夜至晉州憲進據
蒙坑爲其後援知城未陷乃歸涑川尋而高祖東轅
次於高顯憲率所部先向晉州明日諸軍大集稍逼
城下齊人亦大出兵陣于營南高祖召憲馳往觀之
憲反命曰易與耳請破而後食帝悅曰如汝所言吾
無憂矣內史柳昂私謂憲曰賊亦不少王安得輕之

憲受委前鋒情兼家國掃此逋寇事等摧枯齧周之
事公所知也賊雖衆其如我何旣而諸軍俱進應時
大潰其夜齊主遁走憲輕騎追之旣及永安高祖續
至齊人收其餘衆復據高壁及洛汝若高祖命攻洛
汝破之明日與憲大軍會于介休齊主遂奔鄴留其
從兄安德王延宗據并州延宗因僭號高祖圍其城
憲攻其西面克之擒延宗明年進寇鄴城齊任城王
湣廣寧王孝珩據信都有衆數萬高祖復詔憲討之
仍令齊王手書與湣曰朝廷遇締甚厚諸王無恙叔
若釋甲則無不優湣不納乃大開賞募多出金帛沙

門求爲戰士者亦數千人憲軍過趙州潛令間諜二人覘視形勢侯騎執以白憲憲乃集齊之舊將遍示二人又謂之曰吾所爭者大不在汝等今放汝還可即充我使乃與潛書曰山川有間每深勞佇仲春戒節納屨惟宣承始留兩河圖三魏二者交戰想無虜德昔魏曆云季海內橫流我太祖撫運乘時大庇黔首皇上嗣膺下武式隆景業興稽山之會總盟溝之師雷駭唐郊則野無橫陣雲騰晉水則地靡嚴城襲魏之首旣奔竄於草澤竊狃之長亦委命於旌門德義振於無垠仁風被於有截彼朝宿將舊臣良家戚

里俱升榮寵皆縻好爵是使臨漳之下効死爭驅營丘之前奮身畢命此豈惟人事抑亦天時宜訪之道路無俟傍說吾不武任總元戎受命安邊路指幽冀列邑名藩莫不屈膝宣風遵禮皆荷來蘇足下高比令王英風夙著古今成敗備諸懷抱豈不知一木不維大廈三諫可以逃身哉且殷微去商侯服周代項伯背楚賜姓漢朝去此弗圖苟殉亡轍家破身殞爲天下笑又足下謀者爲侯騎所拘軍中情實具諸執事知以弱卒瑣甲欲抗堂堂之師縈帶扞城冀保區區之命戰非上計無待卜疑守乃下策或未相許已

勒諸軍分道並進相望非遠憑軾有期兵交命使古今通典不俟終日所望知機也憲至信都登張耳冢以望之俄而潛領軍尉相願僞出略陣遂以衆降相願潛之心腹也衆駭因破之擒潛及孝珩汝南公慶從武帝拔晉州齊兵大至慶與齊王憲輕騎覘卒與賊窘憲挺身而遁慶退據汾橋衆賊爭進慶射之所中人馬必倒賊乃稍却及拔高壁尅并州下信都禽高潛功並居最焉

宇文神舉爲司武上大夫武帝親戎北伐令神舉與原國公姚碩等率兵五道俱入帝至雲陽疾甚乃班師幽州人盧昌期祖英伯等聚衆據范陽反詔神舉率兵討擒之又屬稽胡反叛之寇西河神舉又率衆與越王盛討之時突厥與稽胡連和遣騎赴救神舉以奇兵擊之突厥敗走稽胡於是款服卽授并潞肆石等四州十二鎮諸軍事并州總管

隋河間王弘高祖卽位初突厥屢爲邊患以弘爲行軍元帥率衆四萬出靈州道與虜相遇戰大破之斬數千級賜物二千段拜寧州總管

衛昭王爽高祖大舉北伐爽爲元帥時河間王引亘盧勣竇榮定高穎虞慶則等分道而進俱受爽節度

親率李元節等四將出朔州遇涉鉢略可汗於白道接戰大破之虜獲千餘人驅馬牛羊鉅萬涉鉢略可汗中重瘡而遁高祖大悅賜爽貞食梁安縣千戶蔡王智積大業中爲弘農大守楊玄感作亂自東都引軍西智積謂官屬曰玄感聞大軍將欲至圖閔中若成其計則根本固矣當以計縻之使不得進不出一旬自可擒耳及玄感以軍至城下智積登陴詈辱之玄感怒甚留攻之城門爲賊所燒智積乃更益火賊不得入數日宇文述等援軍至合擊破之

越王侗大業中楊玄感作亂之際與民部尚書樊子

蓋拒之及玄感平朝於高陽拜高陽大守

唐淮安王神通隋末義師起隋人捕之神通乃與京師大俠史萬寶河東裴勣柳崇禮等舉兵應義師遣使與司竹賊師何潘仁連結潘仁奉平陽公主而至神通與之合勢進下鄆縣衆踰一萬高祖聞之大悅受光祿大夫從平京師爲宗政卿武德二年攻宇文化及之魏縣斬其武賁郎將王敏童等獲其將軍季白文俘二千餘人

襄邑王神符武德四年爲并州總管突厥頡利可汗率衆來寇神符出與戰於汾水東敗之斬首五百級

虜其馬二千匹又戰其沙河之北獲其乙利達官并
可汗所乘馬及甲獻之由是召拜太府卿

河間王孝恭高祖定京師拜左光祿大夫爲山南道
招討大使自金州出于巴蜀招攜以禮降附者三十
餘州孝恭進擊朱粲破之武德三年將圖蕭銑以孝
逸爲荆湘道行軍總管統水陸十二總管發硤州進
軍江陵攻其水城尅之高祖大悅拜孝恭荊州大總
管使盡工貌而視之荆襄雖定嶺表尚未悉平孝恭
分遣使撫慰嶺南四十九州皆來款附及輔公祐據
江東反發兵寇壽陽命孝公爲行軍元帥以擊之七

年孝恭自荊州趣九江時李靖李勣黃君漢張鎮州
盧祖尚並受孝恭節度公祐遣其僞將馮惠亮陳當
時領水軍屯于博望山陳正通徐紹宗率步騎于青
林山孝公至堅壁不與鬪使奇兵斷其糧道賊漸餒
夜薄我營孝恭安卧不動明日縱羸兵以攻賊壘使
盧祖尚率精騎列陣以待之俄而攻壘者敗走賊出
追奔數里遇祖尚軍與戰大敗之正通棄營而走復
與馮惠亮保梁恭乘勝攻之破其梁山別鎮赴水死
者數千人正通率六軍夜遁總管李勣又下廣陵城
拔楊子鎮公祐窮蹙棄丹陽東走孝恭命騎追之至

武康擒公祐及其僞僕射西門君儀等江南悉平自
大業末群雄競起皆爲太宗所平謀臣猛將並在麾
下罕有別立勛庸者唯孝恭著方面之功聲名甚盛
厚自崇重欲以威名鎮遠築宅於石頭廬微以自衛
淮陽王道玄武德元年授右金牛將軍從太宗擊宋
金剛于介州先登陷陣時年十五太宗壯之賞物千
段後討王世充頻戰皆捷竇建德至武牢太宗輕騎
誘賊令道玄率伏兵於道左會賊至追擊破之又從
太宗轉戰于汜水麾戈陷陣直出賊衆披靡復衝突
而歸太宗大悅命副乘以給之玄又從太宗赴賊再
出飛矢亂下箭如蝟毛猛氣益厲射人無不應弦而

倒東都平拜洛州總管

江夏王道宗武德元年從太宗討劉武周戰於介州
一戰滅之從平竇建德破王世充屢有殊效五年授
靈州總管梁師都據夏州遣弟洛兒引突厥兵數萬
至于城下道宗閉門拒守伺隙而戰賊徒大敗高祖
聞而嘉之貞觀三年爲大同道行軍總管遇李靖襲
破頡利可汗頡利以十餘騎來奔其部道宗引兵逼
之徵其執送頡利以數騎夜走匿於荒谷沙鉢羅懼
馳追獲之遣使送于京師以功賜實封六百戶爲刑

部尚書及吐谷渾寇邊詔右僕射李靖爲崑丘道行軍大總管道宗與吏部尚書侯君集爲之副賊聞兵至走入嶂山已行數千里諸將議欲息兵道宗固請追討李靖然之而君集不從道宗遂率偏師并行倍道去大軍十日追及之賊據險苦戰道宗潛遣千餘騎踰山襲其後賊表裏受敵一時奔潰貞觀五年突厥斛薛部叛於靈州道宗與霍國公紫詔追擊破之虜男女六畜萬餘後大軍討高麗令道宗與李勣爲前鋒濟遼水克蓋牟城逢賊兵大至軍中僉欲深溝保險待太宗至徐進道宗曰不可賊赴急遠來兵實

疲頓恃衆輕我一戰必摧昔耿弇不以賊遺君父我旣職在前軍當須清道以待與駕李勣然之乃與壯士數十騎直衝賊陣左右出入勦同合擊大破之太宗至深加賞勞

齊王元吉武德四年從太宗討王充時竇建德兵援充太宗自出拒之留元吉與屈突通圍王充於東都充出兵拒戰元吉設伏擊破之斬首八百級生擒其大將軍樂仁防曰士千餘人

吳國公孝逸則天朝爲左衛將軍光宅元年徐敬業據揚州作亂孝逸爲左玉鈐衛大將軍揚州大總管

督軍以討之孝逸引軍至淮而敬業方南攻潤州遣其弟敬猷屯兵淮陰僞將常超據都梁山以拒孝逸都將馬敬臣擊斬賊之別率尉遲昭夏侯瓚超乃擁衆憑山以自固孝逸乃進兵擊超賊衆壓伏官軍登山急擊之殺數百人日暮圍解超啣枚夜遁孝逸引兵擊淮陰又破敬猷之衆時敬業廻軍屯於下阿溪以拒官軍孝逸渡溪以擊之敬業初勝後敗孝逸乘勝追奔數十里敬業窘迫與其黨攜妻子逃入海曲孝逸進據揚州盡捕斬敬業等振旅而還以功進授鎮軍大將軍

信安王禕玄宗開元十五年爲左金吾大將軍朔方節度副大使知節度事先是石堡城爲吐蕃所據侵擾河右詔禕與河西隴右議取之禕到軍總率士卒克期攻之或曰此城據險又爲吐蕃所借今懸軍深入賊必併力據守事若不捷退則狼狽不如按軍持重以觀形勢禕曰人臣之節豈憚艱險必期衆寡不敵吾則以死繼之苟利國家此身何惜於是督率諸軍倍道兼進并力攻之遂拔石堡城斬獲首級并獲糧儲器械其數甚衆仍分兵據守以遏賊路帝聞之大悅始改石堡城爲振武軍十九年契丹僞官可空

于殺其王邵固率部落降于突厥玄宗以忠王爲河
北道行軍元帥以討奚及契丹兩蕃以禘爲副王旣
不行禘率戶部侍郎裴輝卿等諸副將分道統兵馬
出於范陽之北大破兩蕃之衆擒其酋長餘黨竄入
山谷軍還以功加開府儀同三司
禘子岷從玄宗幸蜀健兒郭千仞夜謀亂帝御玄英
樓招諭不從岷與六軍兵馬使陳玄禮等討平之以
功加金紫光祿大夫岐王範先天中以左羽林大將
軍從玄宗討竇懷真蕭至忠等以功加賜實封滿五
千戶

薛王業先天中以秘書監從玄宗幸蜀肅宗爲太子
倓兄弟典親兵扈從車駕渡渭百姓遮邀乞留太子
太子諭之曰至尊奔播吾不忍違離左右俟吾見上
奏聞倓於行宮謂太子曰逆胡犯順四海亂離不因
人情何以興復夫有國家者大孝莫若尊社稷今從
至尊入蜀則散關以東非復皇家所有何以維屬人
情廢下宜購募豪傑漸往河西收拾牧馬黠集防邊
將卒不下十萬人光弼子儀全軍河朔謀爲興復計
之上也廣平王亦贊言之於是令李輔國奏聞玄宗
欣然聽納乃分從官士卒以遣之時敗卒膽破兵仗

不完太子既北上渡渭一日百戰俛自選驍騎數百
衛從每蒼黃顛沛之際血戰在前太子或時不得食
俛涕泗不自勝太子尤憐之諸軍屬目焉
嗣曹王臯德宗建中年爲江西道節度使時李希烈
反臯繕甲兵戰艦將兵二萬餘與賊夾西爲軍令伊
慎將先鋒臯率軍繼之大破賊斬首數百級賊又樹
堡柵於蔡山臯度峻險不可攻乃聲言西取蘄州理
戰艦分傍南淮與舟師泝江而上賊以老弱守柵引
軍循江隨戰艦南北與臯兵相立去蔡山三百餘里
臯令步兵登舟順流東下不日拔蔡山賊還救間一

日方至大破之因進拔蘄州降其將李良又取黃州
斬級千餘兵益振舒王爲元帥如臯前軍兵馬使德
宗居奉天淮南節度使陳少遊強取鹽錢其使包
佶以財幣泝流次于岐口時希烈已屠汴州又遣驍
將杜少誠將步騎萬餘來寇蘄黃將絕江道臯遣伊
慎將七千衆禦之遇于永安城慎列三柵相去總四
里列鼓角於中柵少誠至分兵圍之部隊未嚴聲鼓
而三柵齊出奮擊不爲行陣賊亂少誠敗走斬首萬
級封尸爲京觀以功加銀青光祿大夫進封五百戶
又遣伊慎王鐔將兵於安州州城阻澗水爲固攻之

累不下希烈遣甥劉戒虛將步騎八千來援臯命李伯潛分迎擊於應山獲戒虛大將二裨將二十斬首千餘面縛戒虛等之城下乃使人說之賊得大將及賓佐一二人爲信當降臯乃使王鏐馬彘繩城而入城中大呼乃出降希烈又遣兵援隨州臯令伊慎擊於厲鄉大破之復平靜白鴈等關希烈惧乃戢兵貞元初爲江陵節度使江漢倚臯爲固未幾李惠登以隨州降凡下州四縣七大小十餘陣未嘗敗衄梁柳王友裕唐末爲宣武軍牙校景福元年總大軍伐徐時朱瑾領兗鄆之衆爲徐戎外援陣於鼓門南

石佛山下友裕進兵擊之斬獲甚衆瑾領殘黨宵遁安王友寧唐末太祖鎮汴累將軍職從太祖征討繼立軍功爲柳州刺史太祖迎昭宗於岐下遣友寧部兵先歸於梁以備守禦屬青帥王師範搆亂以關東諸鎮兵悉在岐隴欲乘虛竊發自齊魯至於華下羅布姦黨詐以委輸貢奉爲名陰與淮南并門結好會有青人詣裴廸言其狀廸以事告友寧不俟命乃率兵萬餘人東討師範遣其弟將兵圍齊州友寧引兵救之青寇大敗奪馬四千蹄斬首數千級密王友倫年十九爲宣武軍校太祖征兗鄆友倫勒

所部兵收勒聚糧穀以濟軍須幽滄軍至內黃友倫以前鋒夜渡河擊賊奪馬千匹擒斬甚衆因引軍往八議關卒逢晉軍萬餘騎友倫乃分布兵士多設疑軍因聲鼓誓衆士伍奮躍追斬數十里後李罕之以上黨來歸爲晉軍所圍太祖遣友倫總步騎數萬越險救應遂大破晉軍天復元年岐隴用兵晉人乘虛侵於北鄙友倫率從兵三萬徑往替山晉人望塵奔逸友倫吳氏叔琮等躡其轍追至太原摩壘挑戰獲牛馬萬餘二年領所部兵西赴鳳翔前後累接戰以功爲寧遠軍節度使

後唐李克讓武皇仲弟咸通中從獻祖討龐勳以功爲振武都支及王仙芝陷荆襄朝廷徵兵克讓率師平賊以功爲金吾將軍

李克脩武皇從父弟武皇入關討黃巢克脩爲先鋒破黃揆於華陰敗尚讓於梁田坡戰黃巢於光順門每戰皆捷其年潞州牙將安君受來乞師請復昭義武皇遣將以兵從與孟方立戰於銅鞮不利武皇乃令克脩將兵繼進遂平潞州斬其刺史李殷銳武皇表克脩爲昭義節度使光啓二年九月克脩出師山東收復邢洛十一月拔故鎮孟方立遣將呂臻來援

戰於焦崗大敗之擒呂臻俘斬萬計進拔武安臨洛諸屬縣乘勝圍邢州鎮州王睿出師三萬援邢洺克脩軍乃退及李罕之來歸武皇授以澤州刺史與克脩合勢進攻河陽連歲出師以苦懷孟方立遣將奚忠信將兵三萬襲寇遼州克脩設伏於遼之東山大敗賊軍擒忠信以獻

克脩子嗣肱少有膽略累立戰功夾城之後從周德威爲前鋒時兄嗣弼爲昭義副使與李嗣昭守城兄弟內外奮戰忠方威壯感動三軍潞圍乃解以功加檢校僕射天祐八年與李存審援河中敗汴軍于胡

堡壁獲汴將龐讓十年與李存審屯趙州擊汴人於觀津時梁祖新屠棗姜其將賀德倫急攻菑縣梁祖率師五萬合勢營於菑之西嗣肱自下博率騎三百薄晚與梁之樵芻者相雜日旣捕入梁軍營門諸騎相合大譟弧矢星發虓獍馳突汴人不知所爲營大擾旣暝歛騎而退是夜梁祖燒營而遁解菑之圍以功時授蔚州刺史十九年新州刺史王郁叛入契丹嗣肱進軍定媯儒武等三州乃授山北都團練使李克寧武皇季弟初從起雲中爲奉誠軍使赫連鐸之攻黃花城也克寧武皇登城血戰三日矢盡備竭

刑原元龜 立功 卷之三 百州

殺賊萬計燕軍之攻蔚州克寧昆使嬰城拒敵晝夜
輟寢食者旬日從衣韃達部及入關逐黃寇凡征行
無不衛從

魏王繼岌莊宗子同光三年伐蜀以繼岌為都統郭
崇韜為招討使十月戊寅至鳳州武興軍節度使王
承捷以鳳興文扶四州降甲申至故鎮康延孝收興
州時偽蜀主王衍率親軍五萬在利州令岷騎之軍
三萬遂戰於三泉康延孝李嚴以勁騎三千犯之蜀
軍大敗斬首五千級餘各奔潰王衍聞其敗也棄利
州奔歸西川斷吉栢津浮梁而去己丑繼岌至興州

為蜀東川節度使宋光祿以梓綿劍龍普等州州來
降武定軍節度使王承肇以洋蓬壁三州符印降興
元節度使王宗威以梁開通渠麟等五州符印送降
階州王承岳納符印秦州節度使王承休棄城而遁
辛丑繼岌過利州申反至劍州己酉至綿州王衍遣
使上牋乞降丁巳並入成都自興師出洛至定蜀計
七十五日走丸之勢前代所無

李從譚明宗弟頻領親軍數戰有功官至檢校司空
李從璟明宗長子從莊宗於河上累有戰功莊宗罷
賞之用為金槍指揮使

册府元龜

淮南李嗣京參閤

西極文翔鳳訂正

豫章黃國琦較釋

宗室部 三十三

禮士

書曰位不期驕傳稱寵而能降者鮮矣蓋夫承榮天
緒長於宮闈馱飫輕煖宴安富賚非明誠異稟卓爾
不群者其孰能折節下士流譽於方來者哉自姬文
好賢逮兩漢而下或優禮髦彥降志通逸置之於幕

府侍之以師友資以遺餉厚其供擬詢之政務接其游宴乃至列邸圖像以極於欽崇講學論文以申於博約原其尊賢好士之意其於進德隆道不亦多乎哉詩云彼交匪敖萬福來求又曰宗子維城懷德維寧是之謂矣

周公旦曰我文王之子武王之弟成王之叔父我於天下亦不賤矣然我一沐三握髮一飯三吐哺起以待士猶恐失天下之賢人

漢楚元王交少時嘗與穰生白生申公俱受詩於淳丘伯既至楚以穰生白生申公為中大夫王敬禮申公

等穰生不耆酒

耆讀嗜

王每置酒嘗為穰生設醴

龔舍楚人也好學明經楚王入廟聞舍高名聘舍嘗侍

梁孝王武賚盛待士於是鄒陽枚乘嚴忌從孝王游焦延壽字贛梁人也贛貧賤以好學得幸梁王梁王其其資用令極意學

後漢趙節王栩光武叔父趙王良之子聞樓望少習嚴氏春秋有稱鄉閭遣使齎玉帛請以為師望不受東平王蒼聞吳良名辟之署為西曹蒼甚相敬愛之北海王睦光武兄齊武王縝孫中興初禁網尚濶而

睦性謙恭好士千里交結自名儒宿德莫不造門由是聲價益廣

魏陳思王植初封臨菑侯時耶鄆淳博學有才章太祖召見甚敬異之植求淳太祖遣淳詣植植初得淳甚喜

白馬王彪雅好文學相賈洪善能談戲彪嘗師宗之過於三卿

沛穆王林初封樵王黃初中隗禧爲王郎中玉宿聞其儒者嘗虚心從學禧亦敬恭以授王繇是太得賜遺

晉成都王穎推功不居勞謙下士陸機在維感全濟之恩又見朝廷屢有變難謂穎必能康隆晉室遂委身焉穎以機參大將軍軍事

河間王顥武帝時平吳徐聳爲顥相聳清虛無欲進退以禮在吳歷清官顥素聞聳名厚敬禮之

東海王越討汲桑命苟晞爲前鋒晞破汲桑定鄴而還越以晞復其讐耻甚德之引升堂結爲兄弟

江統陳留人司徒左長史東海王越爲兗州牧以統爲別駕委以州事與統書曰昔王子師爲豫州未下車辟荀慈明下車辟孔文舉貴州人士有堪應此者

不統舉高平卻鑒爲賢良陳留阮脩爲直言濟北程收爲方正時以爲知人

王承字安期東海王越鎮許以爲記室參軍雅相知重勅其子毗曰夫學之所益者淺體之所安者深閑習禮度不如式瞻儀形諷味遺言不若親承音旨王參軍人倫之表汝其師之在府數年見朝政漸替辭以母老求出越不許

譙王承爲湘州刺史長沙人虞悝與弟望並有士操承臨州知其名檄悝爲長史未到遭母喪會王敦作逆承往弔悝因留與語曰吾前被詔遣鎮此州正以

王敦專擅防其爲禍今敦果爲逆謀吾受任一方欲率所領馳赴朝廷而衆少糧乏且始到貴州恩信未著卿兄弟南夏之翽雋而智勇遠聞古人墨經卽戎况今鯨鯢塞路王室危急安得遂罔極之情忘忠義之節乎如今起事將士器械可以濟不悝望對曰王敦居分陝之任一旦構逆圖危社稷此天地所不容人神所忿疾大王不以猥劣枉駕訪及悝兄弟並受國恩敢不自奮今天朝中興人思晉德大王以宗子之親奉信順而誅有罪孰不荷戈致命但鄙州荒弊糧罷空竭舟艦寡少難以進討宜且收衆固守專檄

四方其勢必分然後圖之事可捷也承以爲然乃命惺爲長史望爲司馬

司馬楚之東武侯熹八世孫也楚之年十七值劉裕誅夷司馬戚屬楚之乃亡於汝潁之間楚之少有英氣能折節待士馬順明道恭等所在聚黨及劉裕自立楚之規欲報復收衆據長社歸之者嘗萬餘人劉裕浮憚之遣刺客沐謙圖害楚之楚之待謙甚厚謙夜詐疾知楚之必自來因欲殺之楚之聞謙病果自賫湯藥往省之謙感其意乃出匕首於席下以狀告之曰將軍爲裕所忌憚原不輕率以保全爲先楚之

嘆曰若如來言雖有所防恐有所失謙遂委身以事之其推誠信物得士之心皆此類也

宋臨川王道規爲征西將軍王敬弘爲諮議參軍時府王簿宗協亦有志趣道規竝以事外相期嘗共酣飲致醉敬弘因醉失禮爲外司所白道規更引還重申初謙

道規子義慶嗣爵臨川王招聚文學之士遠近必至大尉袁淑文冠當時義慶在江州請爲衛軍諮議參軍其餘吳郡陸展東海何長瑜鮑昭等並爲辭章義慶引爲佐史國臣太祖與義慶書嘗加意斟酌

彭城王義康爲司徒錄尚書事府門每日嘗有數百
乘車雖復位卑人微皆被引接

衡陽王義季爲衡州宗炳高尚有志操義季親至炳
室與之歡讌命爲諮議不起

戴顒字仲若性高尚居于吳議季鎮口長史張郡與
顒姻通迎來止黃鵠山山北有竹林精舍林澗甚美
顒憇于此間義季亟從之遊顒服其野服不改嘗度
劉凝之隱居不仕時荊州年飢義季慮凝之餒餉錢
十萬江夏王義恭出鎮好胎平原人劉懷徐爲本州
主簿義恭道遇懷徐以應對見重取爲驃騎長

始興王濬爲揚州雖日親覽州事一以委沈璞太祖
從容謂濬曰沈璞奉時以織芥之失居家有孝友之
稱學優才瞻文義可觀而沈深守靜不求名譽甚佳
汝且應委之以事乃宜引與語對濬旣素加賞遇又
敬奉此旨璞嘗作舊宮賦久而未畢濬與璞踞曰卿
嘗有述舊宮賦何其淹邪想行就耳璞因事陳答辭
義可親濬重教日向聊相敦問還曰斐然遂兼紙翰
昔曹植有言下筆成章良謂逸才吾遠慙楚元門盈
中白之賓近愧梁孝庭列救馬之客薄因末贖以代
一面

建平王景素爲征北將軍南徐州刺史以劉璉爲征北主簿深見禮遇又以何昌寓爲府主簿以風素見重景素好文章書籍招集才義之士傾身禮接以收名譽由是朝野翕然莫不屬意焉

南齊豫章王嶷爲中書監司空時陸慧曉爲武陵王暉征虜功曹廬江何點薦慧曉于嶷補司空掾加以恩禮

劉繪爲豫章王驃騎主簿繪聰警有文義善隸書數被賞召進對華敏僚吏之中見遇莫及

瑯邪王詡爲功曹以吏能自進嶷謂僚佐曰吾雖不能應嗣陳蕃然閣下自有一驥也

何點永明元年徵中書郎豫章王命駕造門點從後門逃去竟陵王子良聞之曰豫章王尚不能屈非吾所詣遺點稽叔夜酒杯徐景山酒鎗以通意

潁川庾銑善屬文見賞於豫章王弘至大司馬記室參軍

劉虬字靈預南陽人宋太始中仕至晉平王驃騎記室當陽令罷官歸家靜處斷殺餌木及胡麻建元初豫章王爲荊州牧辟虬爲別駕與同郡宗測司空庾易竝遣書禮請虬等各脩牋荅而不應辟命永明三

年刺史盧林王子卿表虬及同郡宗測宗尚之庾易
劉昭五人請加蒲車束帛之命詔徵爲通直郎不就
竟陵王子良致書通意虬荅曰虬四節卧病三時營
灌暢餘陰於山澤託暮情於魚鳥寧非唐虞重恩周
召宏施虬進不研幾入玄無洙泗稷館之辨退不凝
心出累非冢間樹下之節遠澤旣灑仁規先著謹收
樵牧之嫌敬加軼鼃之義

庾易志性恬隱不交外物建元元年豫章王辟爲驃
騎將軍不就臨川王映獨重易上表薦之餉麥百斛
易謂使人曰民樵採麋鹿之伍終其解毛之衣馳騁
日月之車得保自耕之祿於大王之恩亦已深矣辭
不受

宗測字敬微南陽人宋徵士炳孫也世居江陵測少
靜退不樂人間豫章王復遣書請之辟爲參軍測荅
曰性同鱗羽愛止山壑眷戀松筠輕迷人路縱宕巖
澗有若狂者忽不知老至而今鬢鬢已白豈容課虛
責有恨魚慕鳥哉

杜栖吳郡錢塘人有志行能言刺史豫章王聞其名
辟議曹從事仍轉西曹佐竟陵王子良數致禮接
竟陵王子良以劉瓛儒學冠於當時子良親往脩謁

表爲獻立館以揚烈橋故主第給之生徒皆賀獻曰
室美豈爲人哉此華宇豈吾宅哉幸可詔作講堂猶
恐見害也未及徙居遇病子良遣從獻學者彭城劉
繪順陽范縝將厨於獻宅營齋

王融爲中書郎會魏軍動子良於東府募人板融寧
朔將軍軍主融文辭辨捷尤善屬綴有所造作援筆
可待子良特相友好情分殊嘗

謝璟少與從叔眺俱知名子良開西邸招文學璟亦
預焉子良有清尚禮才好士居不疑之地傾意賓客
天下才士好學皆遊集焉善立勝事夏月客至爲設

瓜飲及苜蓿著之教士子文章及朝貴辭翰皆發教
撰錄時梁高祖與沈約謝眺王融蕭琛范雲任防陸
倕等並遊焉號曰八友

江革舉高第眺學不勸王聞其名引爲西邸學士
王瞻授太子舍人初爲南海王友尋轉司徒竟陵王
從事中郎王甚相賓禮

范縝爲尚書殿中郎于時竟陵盛招賓客縝亦預焉
沈約爲黃門侍郎與蘭陵蕭琛瑯邪王融陳郡謝眺
南鄉范雲樂安任防等皆遊焉當世號爲得人

范雲字彥龍建元初子良爲會稽太守雲始隨王王

未之知也會遊秦望使人視刻石文時莫能識雲獨誦之王悅自是寵冠府朝王爲丹陽尹召爲主簿深相親任

王亮時爲桂陽王文學南郡王友宗史少勤學有局幹歷臨川王嘗侍驃騎參軍竟陵王集學士於西邸使工圖畫其像亮史亦預焉

晉安王子懋皮石頭以張率爲雲麾中記室王遷南兖州轉宣毅諮議參軍並兼記室王還都率除中書侍郎王爲荊州復以率爲宣惠諮議領江陵令府遷江州以諮議領記室出監豫章臨川都率在府十年

恩禮甚篤

劉遵爲晉安王宣惠雲麾中記室甚見賓禮

隋王子隆以謝朓爲文學子隆在荊州好辭賦數集僚友朓以才文尤被賞愛流連晤對不捨日夕

梁建平王宏禮賢接士

始興忠武王憺性勞謙嘗隆意接士與賓客連榻而坐時論稱之

安成王秀爲江州刺史將發王者求堅船以爲齋舫秀曰吾豈愛才而不愛士教所由以牢者給參佐下者載齋物旣而遭風齋舫遂破時諸王並不下士建

州府元龜 禮士
安安城二王尤好人物以二方重士方之四豪及至
州秀聞前刺史取徵士陶潛曾孫爲里司秀歎曰陶
潛之德豈可不及後世即日辟爲西曹掾秀遷荊州
刺史進號安州將軍下車立學較招隱逸下教曰夫
鶉火之禽不匿影於丹穴昭華之寶乍耀采於藍田
是以江漢有濯濯之歌空谷著來思之詠弘風闡道
靡不繇茲處士河東韓懷明南平韓望南郡庾承先
河東郭麻並脫落風塵高蹈之士而韓之孝友純深
庾郭之形體枯槁或橡飯青羹惟日不足或葭牆芟
席樂在其中昔伯武貞堅就仕河內史雲孤仰屈志

陳留豈曰塲苗實惟攻玉可加引辟並遣喻意既同
魏侯到禮之請庶無辟疆三緘之嘆

南平王偉初封建安王偉篤誠通恕趨賢重士嘗如
弗及由是四方遊士當世知名者莫不畢至齊世青
溪宮改爲芳林苑天監初賜偉爲第偉又加穿築增
植嘉樹珍果窮一時之彫麗每與賓客遊其中命從
事申郎蕭子執爲之記

何遜天監中起家奉朝請遷中衛建安王水曹行參
軍兼記室王愛文學之士日與遊宴及遷江州遜猶

掌書記

鄱陽王恢爲益州刺史以羅研爲別駕其後西昌嗣王範將西恢謂曰吾昔在蜀每事委羅研汝遵而勿失範至復以爲別駕升堂拜毋蜀人榮之

廬陵王續爲荊州刺史以天門太守歐陽頎伐蠻左有功續浮嘉之引爲賓客

邵陵王綸出爲江州刺史以太史叔明少善莊老兼治孝經禮記馮叔明之鎮王遷郢州又隨府所至輒授江外人士皆傳其學

孫瑒少個儻好謀略博涉經史爲邵陵王水曹中兵參軍時王出鎮郢州畫室隨府甚被賞遇

皇侃爲國子助教丁母憂解職還鄉里邵陵王欽其學厚禮迎之

武陵王紀出鎮江州時江革爲都官尚書紀乃曰我得江革文華清平豈能一日忘之嘗與其同鮑乃表革同行除明威將軍南中郎長史尋陽太守

衡陽王元簡爲會稽太守時何胤居秦望山元簡甚加禮敬及元簡去郡入山與胤別送至都賜埭去郡三里因曰僕自棄人事交遊路斷自非降貴山藪豈容復望城邑此埭之遊於今絕矣執手涕零

臨城公大連出牧東陽州張彰率所領客馬始爲防

間後爲中兵參軍禮遇甚厚

陳永陽王伯智爲吳郡太守本郡陸慶少好學遍通五經天嘉初徵爲通直散騎侍郎不就伯智聞其名欲與相見慶固辭以疾時宗人陸榮爲郡五官慶嘗詣焉王乃微服往榮穿壁以觀之王謂榮曰觀陸慶風神凝峻殆不可測嚴君平鄭子真何以尚茲

鄱陽王伯山爲江州刺史時徐伯陽爲新安王記室伯陽嘗奉使造焉王率府僚與伯陽登正嶺置要酒酣命筆賦劇韻二十伯陽與祖孫登前城上賜以奴婢雜物

始興郡王伯茂謙恭下士

建安王叔卿以虞寄爲東中郎諮議寄辭以疾不任旦夕王於是特令停王府公事其有疑議就以決之但朔望賤脩而已

後魏衛王儀初封平原公先是上谷侯岌張袞代郡許謙等有名于時初來入軍聞儀待士先就儀並禮之共談當世之務謙等三人曰平原公有大才百世之略吾等宜附其尾

江陽王繼次子羅字仲綱爲青州刺史羅兄父當朝專政羅望傾四海於時才名之士王元景邢子才李

獎等咸爲其賓客從遊青土

義陽王子孝愛士縉紳歸之賓客嘗滿終日無倦

京兆王愉好文章頗著詩賦時才人末世景李神雋

祖榮邢晏王道業張始等共申嘉宴招四方儒學賓

客嚴懷貞等數十人館而禮之所得穀帛率多散施

任城王澄以高徽聰敏有氣幹深所知賞

杜弼中山曲陽人任城王澄爲定州牧長史甄琛簡

試諸生而弼義解開明應荅如響琛所歎伏澄聞而

召問深相嗟賞許以王佐之才澄還雖稱之於朝高

陽王等更相招命

崔接放邁自高不拘嘗簡爲中書博士樂陵內史雅

爲澄所禮待及澄爲定州刺史接了無人敬王忻然

容下之

張普惠爲澄所知及轉諫議大夫澄謂普惠曰不喜

若得諫議惟喜諫議得君

北海王詳爲司徒以前光州刺史崔挺爲府司馬後

詳攝選衆人競稱考第以求遷叙挺獨無言詳大相

稱歎自挺爲司馬詳未嘗呼名嘗稱爲崔光州以示

優禮

平原王獻雅有志業娶東徐州刺史博陵崔鑒女路

繇冀相聞李彪名而詣之脩師友之禮稱之於郡舉孝廉至京師館而受業焉

清河王懌以韓子熙少自脩整頗有學識引爲常侍母亡居喪有禮子熙爲懌所眷遇遂闕位待其畢喪後復引用又以劉懋性沉雅厚重尤禮重懋令諸子師之

辛纂爲太尉騎兵三軍每爲懌所賞及欲定考懌曰幸騎兵有學有才爲上第轉越騎較尉

廣陽王淵以拔勝因父遇害與弟俱奔于淵勝便弓馬有武幹淵厚待之表爲強弩將軍充帳內軍主

中山王英平義陽獲馮亮亮南陽人博覽諸書又篤好佛理英素聞其名以禮待接亮至維隱居嵩山感英之德以時展覲及英亡亮奔赴盡其哀慟

彭城王勰以鹿愈好兵書陰陽釋氏之學召爲館客宋世景遷總府法曹參軍勰愛其才學雅相器敬

東陽王榮爲瓜州刺史州人令狐整字延保幼聰敏沉深有識量學藝騎射址爲河右所推榮辟爲主簿加盪寇將軍整進趣詳雅對揚辨暢謁見之際州府傾目榮器整德望嘗謂僚屬曰令狐保延西州令望方成重器豈州郡之職所可繫維但一日千里必基

武步寡人當委以庶務畫諾而已
北齊襄城王涓弱年有罷望齊氏諸王選國巨府佐
多取富商群少鷹犬少年唯襄城廣寧蘭陵廣寧等
頗引文藝清識之士當時以此稱之
趙郡王琛出鎮定州聞馮偉節聰敏無所不通以禮
迎接命書至三縣令親至其門猶辭疾不起王將命
駕致請佐史前後星馳報之縣令又自爲其整冠履
不得已而出王下廳事迎之止其拜伏分階而上留
之賓館甚見禮重王將舉充秀才固辭不就歲餘請
還王知其不願拘束以禮發遣贈遺甚厚一無所納

唯受時服而已

後周齊王憲引樊叔略爲園苑監時憲素有吞關東
之志叔略因事數進兵謀憲甚奇之
賀若弼少慷慨有大志驍勇便弓馬解屬文博涉書
記有重名於當世憲聞而敬之引爲記室
冀王通楊注爲侍讀王甚重之每日楊侍讀德業優
深孤之稷生也

隋秦王俊爲并州總管二十四州諸軍事河東人柳
靖自廣德守退居鄉里閉門自守時論方之王烈前
後總管到官皆親至靖家問疾遂以爲故事秦王俊

臨州賚以几杖並致衣物靖唯受几杖餘竝固辭其
爲當時所重如此

齊王暕初封豫章王時崔贖爲河南豫章二王侍讀
每更日來往二王之第及河南爲晉王轉書記室參
軍自此去豫章王重之不已遺贖書曰昔漢氏西京
梁王建國平臺東苑慕義如林馬卿辭武騎之官枚
乘罷弘農之守每覽史傳嘗竊恠之何乃脫略官策
棲遲藩邸以今望古方知雅志彼二子者豈徒然哉
足下博聞強記鈎深致遠視漢臣之三篋似陟蒙山
對梁相之五車若吞雲夢吾兄欽賢重士敬愛忘疲

先築郭隗之宮嘗置稷生之醴今者重開土宇更誓
山河地方二百里平籠曲阜城兼七十包舉臨淄大
啓南陽方開東閣想得奉飛蓋曳長裾藉玳筵躡珠
履歌山桂之偃塞賦池竹之檀欒其崇貴也如彼其
風流也如此幸甚幸甚何樂如之高視上京有懷德
祖才謝天人多慙子建書不盡意寧俟繁辭贖答曰
一昨伏奉教書榮賜非嘗心靈自失若乃理高象繫
管輅思而不解事富山海郭璞注而未詳至於五色
相宣八音繁會鳳鳴不足爲諭龍章莫之能比吳札
之論周頌詎盡揄揚郅客之奏陽春誰堪赴節伏惟

令王殿下稟潤天潢承輝日觀雅道貴於東平文藝
 高於北海漢則馬遷蕭望晉則裴楷張華鷄樹騰聲
 鷄池播美望我清塵悠然路絕祖濬祖濬曠字燕南贅客
 河朔墮遊本無意於希顏豈有心於慕蘭未嘗聚螢
 映雪懸頭刺股讀論唯取一篇披莊不過盈尺况復
 桑榆漸暮藜藿屢空舉燭無成穿楊盡棄但以燕求
 馬骨薛養鷄鳴謬齒鴻儀虛班驥阜挾太山以超海
 比報德而非難堙篋以爲池匹酬恩而反易忽屬
 周桐錫瑞唐水承家門有將相樹宜桃李真龍將下
 誰好有名濫吹先逃何須別聽但慈音抑揚擯上蓋

于江海所以稱王丘陵爲之不讓曹植儻豫聞高論
 則不損令名楊脩若窮在下風亦詎虧淳德無任荷
 戴之至謹奉啓以聞豫章王得書賫米五十石并衣
 服錢帛

王貞字孝逸梁郡人善屬文不事產業齊王暕鎮江
 都聞貞名以書召之曰夫山藏美玉光炤廊廡之間
 地蘊神劬氣凌星漢之表是知毛遂脫穎義感平原
 孫慧文詞來于東海顧循寡薄有懷髦彥籍甚清風
 爲日久矣未獲被覲良深佇違比天高流火早應涼
 颺陵雲仙掌方承清露想攝衛攸宜與時休適前園

後圃從容丘壑之情左琴右書蕭散煙霞之外茂陵
謝病非無封禪之文彭澤辭榮先有歸來之作優遊
儒雅何樂如之余屬當藩屏宣條楊越坐堂聽訟事
絕詠譎板桂摘詞眷言高道至於揚旌北渚飛蓋西
園託乘之應劉置醴闕申稷背淮之賓徒聞其語趨
燕之客罕值其人卿道冠鷹揚聲高鳳舉儒墨泉海
詞章苑圃棲蓬衡泌懷寶迷邦洵茲獨善良以於邑
今遣行人具宣徃意側望起予甚於饑渴想便輕舉
副此虛心無信投石之談虛慕鑿坏之逸書不盡言
更慙詞費及貞至王以客禮待之朝夕遣問安不又

索文集貞啓謝曰屬賀德仁宣教須少來所有拙文
昔公旦之才藝能事鬼神夫子之文章性與天道雅
志傳於游夏餘波鼓於屈宋雕龍之跡具在風騷而
前賢後聖代相師祖賞逐時移出門分路變清音於
止始體高致於元康咸言坐握蛇珠誰許獨爲麟角
孝逸生於戰爭之季長於風塵之世學無半古才不
逮人往屬休明寸陰已誤雖居可封之屋每懷貧賤
之耻適鄢郢而迷途入邯鄲而失步歸來反覆心反
遂寒豈謂橫議過實虛塵叡覽枉高車以載廳費明
珠以彈雀遂得裹糧三月重高門之餘地背淮千里

望章臺之後塵與懸黎而並肆將駭驥而同終早朝
擊缶匪黃鍾之所諧日暮却行何前人之能及顧想
平生觸塗多慰但以積年沉痾遺忘日久拙思所存
纔成二十三卷仰而不至方見學仙之遠窺而不覩
始知遊聖之難咫尺天人周章不暇怖甚真龍之降
慙過白豕之歸伏紙陳情形神悚越齊王覽所上集
善之賜良馬四匹貞復上江都賦王賜錢十萬馬二
匹未幾以疾甚還鄉里終于家

揚子崇高祖族弟子愛賢好士

蔡王智積爲同州刺史在州未嘗嬉戲遊獵聽政之
暇端然讀書門無私謁有侍讀公孫尚儀山東儒士

府佐楊君英蕭德言並有文學時延於座

唐鄧王元裕高祖子元裕好學善談明理與典籤盧
昭隣爲布衣之交及薨昭隣爲千字詩以傷之

霍王元軌時定州新樂人郎餘令爲府參軍數上詞
賦元軌游禮之先是餘令從父知年爲霍王友亦見
推仰元軌謂人曰郎氏兩賢人之望也相次入府不
竟培塿而松柏成林

濮王泰太宗子太宗特令秦府中別置文學館任自
引召學士官給酒饌泰於是奏引著作郎蕭德言祕

書郎頌裔記室參軍薛亞卿功曹參軍謝偃等就府撰括地志五百五十卷奏上之

岐王範雅愛文章之士無賤貴盡以禮接時聞朝隱劉沁琦張諤鄭繇皆以文詞友善飲酒賦詩更唱迭和

